

Broj:01- 02/2-1190/24 SK  
Sarajevo, 22.05.2024. godine

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
PREDSTAVNIČKI DOM**  
n/r gđin Ivan Miličević, sekretar  
n/r gđa Bisenija Mušedinović, zastupnica

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno 24-05-2024			
Org. jed.	Broj	Priloga	Vrijednost
05/1	-02-	230	124

**BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BOSNE I HERCEGOVINE**  
n/r gđa Edita Kalajdžić, sekretar Vlade FBiH

**Predmet:** Odgovor na inicijativu, **dostavlja se-**

**Veza:** Akt Ureda sekretara Predstavničkog doma Parlamenta Federacije Bosne i Hercegovine, broj: 05/1-02-230/24 od 23.04.2024. godine i akt sekretara Vlade Federacije Bosne i Hercegovine, broj: 03-04-838-5/24 od 26.04.2024. godine

Poštovani,

Aktima broj i datum veze, Federalnom ministarstvu rada i socijalne politike dostavljena je Inicijativa Bisenije Mušedinović, zastupnice u Predstavničkom domu Parlamenta Federacije Bosne i Hercegovine, koju je podnijela na nastavku 10. redovne sjednice Predstavničkog doma Parlamenta Federacije Bosne i Hercegovine, održanom 22.04.2024. godine, a vezano za pokretanje aktivnosti da se prilikom donošenja rješenja kojim se priznaje pravo na dječiji dodatak, a koje glasi na ime djeteta, stoji također i ime lica po kojem je dijete zastupano: po roditelju, staratelju ili zakonskom zastupniku (pa navesti ime i prezime jednog od roditelja, staratelja ili zakonskog zastupnika koji podnosi zahtjev kao zakonski zastupnik), te da se isti, dječiji dodatak, uplaćuje na bankovni račun lica po kojem je dijete zastupano. Shodno navedenom dostavljamo odgovor u dijelu nadležnosti Federalnog ministarstva rada i socijalne politike kako slijedi:

Pravilnikom o potrebnoj dokumentaciji za ostvarivanje prava na dječiji dodatak („Službene novine Federacije BiH“, broj 69/22) koji je objavljen i na web stranici Federalnog ministarstva rada i socijalne politike propisana je potrebna dokumentacija za ostvarivanje prava na dječiji dodatak prema Zakonu o materijalnoj podršci porodicama s djecom u Federaciji Bosne i Hercegovine („Službene novine Federacije BiH“, broj: 52/22). Između ostalog, u Pravilniku o potrebnoj dokumentaciji za ostvarivanje prava na dječiji dodatak u članu 14. propisano je da bankovni račun mora biti otvoren na ime djeteta. Dakle, kako je to definisano i Zakonom o materijalnoj podršci porodicama s djecom u Federaciji Bosne i Hercegovine, nosilac prava je dijete i samim tim i bankovni račun treba biti otvoren na ime djeteta. Potrebno je napomenuti da postojeći Zakon i Pravilnik nisu prepreka da se, ukoliko to politika banke dozvoljava,



za potrebe isplate dječijeg dodatka po federalnom propisu unutar jedne porodice otvori jedan račun koji bi imao više zasebnih podračuna/partija za svako dijete posebno. Također, bitno je naglasiti da smo stava da bankovni račun kada je u pitanju navedeno pravo treba biti otvoren na ime djeteta iz sigurnosnih razloga i zaštite navedenih sredstava prvenstveno imajući u vidu član 150. stav (1) Porodičnog zakona Federacije Bosne i Hercegovine („Službene novine Federacije BiH“, br. 35/05, 41/05 i 31/14) koji je propisao da je organ starateljstva dužan po službenoj dužnosti poduzeti potrebne mjere radi zaštite prava i najboljeg interesa djeteta, a na osnovu neposrednog saznanja ili obavještenja, te da u skladu sa članom 155. stav (1) Zakona može u svako doba zahtijevati od roditelja polaganje računa o upravljanju imovinom djeteta i prihodima koje se ostvaruju za potrebe djeteta. Organ starateljstva također može, na osnovu člana 155. stav (2) Zakona, ukoliko postoji potreba, radi zaštite imovinskih interesa djeteta, odlučiti da roditelji u pogledu upravljanja imovinom imaju položaj staratelja, čime se ograničava pravo roditelja u pogledu upravljanja imovinom mlđb. djeteta. Dalje, ukoliko je bankovni račun otvoren na ime djeteta sredstva na istom ne mogu biti predmet izvršenja kada je u pitanju postupak koji se vodi protiv djetetovog zakonskog zastupnika.

Također, navodimo da je otvaranje bankovnog računa na ime djeteta kao korisnika prava na dječiji dodatak u skladu sa članom 9. Konvencije o pravima djeteta, odnosno kada dođe do slučajeva gdje je neophodna zaštita djeteta kao što su zloupotrebe roditeljskog položaja ili zanemarivanja djeteta, kada su roditelji spriječeni brinuti o djetetu zbog teške bolesti ili smrti i u drugim situacijama kada je dijete potrebno hitno zbrinuti, odnosno u svim situacijama gdje dijete dobiva službenog staratelja, posebno je važno da sredstva dječijeg dodatka budu na bankovnom računu djeteta kao korisnika prava.

Svjesni da je riječ o socijalno najugroženijoj kategoriji stanovništva, Federalno ministarstvo rada i socijalne politike je aktom broj: 05-02/3-2424/22 MJ od 14. oktobra 2022. godine preko Agencije za bankarstvo Federacije Bosne i Hercegovine i Udruženja banaka Bosne i Hercegovine uputilo inicijativu kojom je od svih banaka koje djeluju na području Federacije BiH zatraženo fleksibilnije postupanje u smislu omogućavanja otvaranja neke vrste zajedničkih računa ukoliko je više djece iz iste porodice ostvarilo pravo na dječiji dodatak čime bi se njihovim zakonskim zastupnicima olakšalo raspolaganje sredstvima doznačenim po ovom osnovu i smanjili suvišni troškovi i administracija. Također je zatraženo i razmatranje mogućnosti smanjenja troškova kojima su izložene socijalno osjetljive kategorije stanovništva prilikom otvaranja bankovnih računa na koje se vrše uplate novčanih sredstava ostvarenih po osnovu federalnih i kantonalnih propisa iz oblasti socijalne i dječije zaštite s posebnim fokusom na korisnike prava na dječiji dodatak.

Upoznati smo da je u mjesecu februaru 2023. godine Vlada Federacije BiH, na prijedlog Federalnog ministarstva finansija, utvrdila Prijedlog zakona o izmjenama i dopunama Zakona o zaštiti korisnika finansijskih usluga, te ga uputila Parlamentu FBiH na razmatranje, a isti je u konačnici trebao doprinijeti smanjenju troškova socijalno osjetljivim kategorijama stanovništva, međutim nemamo informaciju da li je navedeni Prijedlog zakona u parlamentarnoj proceduri, o čemu bi informaciju trebalo zatražiti od Federalnog ministarstva finansija.

S poštovanjem,

**Dostavljeno:**

- Naslovu
- a/a

